



Veleposlanica Marianne Berez imenovana za šeficu OHR-a u Banjaluci

Visoki predstavnik Valentin Inzko izrazio je danas dobrodošlicu novoj šefici regionalnog ureda OHR-a u Banjaluci, mađarskoj diplomatkinji Marianni Berez.

“Imajući u vidu njeno ogromno profesionalno iskustvo, drago mi je što ću moći surađivati s veleposlanicom Berez i pozdravljam njen doprinos radu Ureda visokog predstavnika, kao i naporima BiH da ostvari napredak na putu k euroatlantskoj integraciji. Ja bih također iskoristio ovu priliku kako bih zahvalio Vladi Mađarske što je omogućila našu buduću suradnju izborom veleposlanice Berez za ovu poziciju”, rekao je visoki predstavnik.

Prije angažmana u Bosni i Hercegovini, Marianne Berez je bila na poziciji više naučne suradnice pri Institutu za vanjske poslove i trgovinu u okviru Ministarstva vanjskih poslova i trgovine Mađarske. Prije toga, obavljala je dužnost zamjenice šefa Misije OSCE-a u Skoplju.

Veleposlanica Berez počela je s radom u Ministarstvu vanjskih poslova 1981. godine i od tada je bila na dužnosti u Beču, Moskvi, Madridu i Skoplju. Također je obavljala dužnost i generalne direktorice u okviru Ministarstva vanjskih poslova u Budimpešti, a u periodu od 2003. do 2007., kao izvanredna i opunomoćena veleposlanica, bila je šefica stalne misije Mađarske pri OSCE-u.

Veleposlanica Berez je diplomirala na Državnom institutu (univerzitetu) za međunarodne odnose u Moskvi, a završila je posebne programe na Fakultetu političkih nauka Univerziteta u Amsterdamu koji se odnose na upravu i administraciju u otvorenom društvu.